

傷寒廣要

傷寒廣要卷第五

東都丹波元堅亦柔撰

德陽蘇榮權矩亭

同叅校

湔江白昭煌潤生藏書重印 華陽周鳳楷魯東

陽明病

陽證似陰諸候

手足逆冷而大便秘小便赤或大便黑色脈沉而滑此名陽證
似陰也重陽必陰重陰必陽寒暑之變也假令手足逆冷而大
便秘小便赤或大便黑色其脈沉而滑者皆陽證也輕者白虎
湯重者承氣湯

人活

病人面紅舌白狂言渴欲飲冷內煩躁擾六脈浮數陽證了然却有面不紅而不甚語言微有燥渴而嗜臥不煩身體微厥六脈微細若陰證俱備而不然者面雖不紅不甚言語問答之間精神面色蘊而不散雖不甚渴却自喜冷昏睡力喚之精神自定身雖微厥手足指尖反常溫煖脈雖微按之實數初無間斷若小腹堅硬大便數日不通胸中痞悶以手按之則疼此因失下陽證如陰諦矣經曰三陰其反如何曰脈至而從按之鼓甚而盛也此陰中伏陽之脈正合此也

顏永

夫陽證似陰者乃火極似水也蓋傷寒熱甚失于汗下陽氣亢極鬱伏於內反見勝已之化於外故身寒逆冷神氣昏昏狀若

陰症也大抵脣焦口燥能飲水大便秘鞭小便赤澁設有稀糞水利出者此內有燥屎結聚乃傍流之物非冷利也再審有屁極臭者是也其脈雖沉按之必滑有力或時躁熱不欲衣被或揚手擲足或譫語有力此陽症也蓋此與陽盛拒陰亦同王太僕所謂病人身寒厥冷其脈滑數按之鼓擊於指下者非寒也此名陽盛拒陰也要在審詳而已

曰蘊要○案至真要大論云帝

曰脈至而從按之鼓甚而盛也次注云形證是寒按之而脈氣鼓擊於手下盛者此為熱盛拒陰而生病非寒也

傷寒外編云病在三陰皆有利腹痛厥逆躁渴但屬於陽者必先發熱頭痛漸至脣乾舌燥煩渴喜冷飲面色光彩語言清亮手足溫煖瓜甲紅潤身極易於轉側呼吸出於自然小便或

赤或澁脈來浮洪數大此陽證也至四五日後傳進三陰血分
變出四肢厥冷乍溫或燥結或下利躁渴潮熱自汗譫妄揚手
擲足氣息喘急小腹痛不可按舌上胎厚而黃黑甚則芒刺燥
裂脈沉而滑皆三陽傳變之熱證其或身寒逆冷神氣昏昏脈
來沉實附骨乃火極似水緣陽邪失於汗下所致雖身冷而不
欲近衣雖神昏而氣色光潤雖腹痛必脹滿而喘急不可按揉
下利傍流清水小便黃赤大便或秘或黑厥逆亦不過肘膝厥
過即發熱厥深熱亦深也此爲陽極似陰不可誤認爲寒而溫
之

緒論○案傷寒外編明呂復著又以三說大略相
同然詳略互見故併存之次卷陰證似陽條亦同

脈沉而細或緩而長來遲去疾或六脈伏如脫狀口反不渴舌

燥而短身反不熱手足反厥神昏譫語口目瞤動如驚風狀大便時解或如爛桃色或如清水或不大便人事不知或歌或哭身輕能自起立或吐虵口苦或辣小便赤而長此假虛寒也宜芩連石膏之類甚則大承氣下之

解直

凡陽厥手足厥冷或冷過肘膝甚至手足指甲皆青黑劇則遍身冰冷如石血凝青紫成片或六脈無力或脈微欲絕以上脈證悉見純陰猶以爲陽證何也及審內證氣噴如火齰爛口臭煩渴譫語口燥舌乾舌胎黃黑或生芒刺心腹痞滿小腹疼痛小便赤色涓滴作痛非大便燥結即大腸膠閉非協熱下利即熱結傍流以上內三焦悉見陽證所以爲陽厥也粗工不察內

多下證但見表證脈體純陰誤投溫劑禍不旋踵 捷要辦法

凡陽證似陰外寒而內必熱故小便血赤凡陰證似陽者格陽之證也上熱下寒故小便清白但以小便赤白爲據以此推之

萬不失一

溫疫編○案類編云以小便赤白定陰陽第語其常耳陰症亦有小便黃赤者此說本于陰陽訣既見第二

中卷

陽極似陰厥逆自利等證但須審先前曾發熱頭痛至四五日或數日而見厥利者皆陽邪亢極厥深熱深之證急當清理其內誤與溫藥必死但清之有方須知陽極似陰之證其人根氣必虛即與救熱存陰須防熱去寒起間有發汗太過而成亡陽之候亦有攻下太過而陰陽俱脫者不妨稍用溫補然脫去陽

回即當易轍不可過劑以耗其津况此證與真陰受病不同

通

白虎湯變治驗并方

錢仲昭患時氣外感三五日發熱頭疼服表汗藥疼止熱不清口乾脣裂因而下之遍身紅癍神昏譫語食飲不入大便復秘小便熱赤脈見緊小而急謂曰此症全因悞治陽明胃經表裏不清邪熱在內如火爍原津液盡乾以故神昏譫妄若癍轉紫黑即刻死矣曰今本是難救但其面色不枯聲音尙朗乃平日保養腎水有餘如旱田之側有下泉未竭故神雖昏亂而小水仍通乃陰氣未絕之徵尙可治之不用表裏單單但一和法取七方中小方而氣味甘寒者用之惟如神白虎湯一方足以療

此蓋中州元氣已離大劑急劑複劑俱不敢用而虛熱內熾必
甘寒氣味方可和之耳但方雖宜小而服藥則宜頻如饑人本
欲得食不得不漸漸與之必一晝夜頻進五七劑爲浸灌之法
庶幾邪熱以漸而解元氣以漸而生也若小其劑復曠其日縱
用藥得當亦無及矣如法治之更一晝夜而病者熱退神清脈
和食進其癘自化

寓意
草

四明虞吉卿因三十外出疹不忌豬肉兼之好飲作泄八載矣
忽患傷寒頭痛如裂滿面發赤舌生黑胎煩燥口渴時發譫語
兩眼不合者七日洞泄如注較前益無度余急往診其脈洪大
而數爲疏竹葉石膏湯方因其有腹瀉之病石膏止用一兩病

初不減此兄素不謹良一友疑其虛也云宜用肉桂附子歛之
以其言來告余曰誠有是理但余前者按脈似非此證豈不數
日脈頓變耶復往視其脈仍洪大而數余曰此時一投桂附即
發狂登屋必不救矣一照前方但加石膏至二兩歛之曰得毋
與泄瀉有妨乎余曰熱邪作祟此客病也不治立殆渠泄瀉已
八年非暴病也治病須先太甚急治其邪徐并其夙恙除之急
進一劑夜臥遂安即省人事再劑而前惡證頓去不數劑霍然
但瀉未止耳余爲疏脾腎雙補丸方更加黃連乾葛升麻以痧
痢法治之不一月瀉竟止八載沉痾一旦若失

廣筆
記

深師療傷寒下後除熱止渴五味麥門冬湯方

麥門冬

心去

五味子

人參

甘草

炙

石膏

碎各一兩

右五味擣篩三指撮水一升二合煮令沸得四合盡服忌海

藻菰菜

臺外

六書如神白虎湯治身熱渴而有汗不解或經

汗過渴不解脈來微洪於本方加知母山梔槌法加淡竹葉

治傷寒已汗下後餘熱未退頭痛口乾煩躁宜服知母散方

知母

兩一

甘草

兩半

石膏

兩二

藟蘗根

兩二

麥門冬

兩一

右件藥擣篩爲散每服四錢以水一中盞入生薑半分粳米

五十粒竹葉二七片煎至六分去滓不計時候溫服

聖惠

應下脈證

治傷寒欲下之切其脈牢牢實之脈或不能悉解宜摸視手掌

澼澼汗溼者便可下矣若掌不汗病雖宜下且當清息溫煖身體都皆津液通掌亦自汗下之即了矣

巢源

脈朝夕馱者實癰也可下之朝平夕馱者非癰也

○案此本出千金

不

可下馱者謂數脈六七至者也若脈數一息八九至慎不可下

若下之則煩躁下利不止而死凡數脈與皮毛相得亦不可下

也若下證悉見而見四逆者是失下後氣血不通使然但手

足微厥掌心常溫時復指梢溫便下之不可拘忌也

○活人云大抵熱厥

須脈沉伏而滑頭上有汗其手雖冷時復指爪溫凡下證小

便不利或尚少未可攻之也

總病

不惡寒反惡熱手掌心并腋下澼澼汗出胃中乾涸燥糞結聚

潮熱大便硬小便如常腹滿而喘或譫語脈沉而滑者裏證也裏證者此屬陽明也宜下之 傷寒始發熱惡寒今汗後不惡

寒但倍發熱而躁始脈浮大今脈洪實或沉細數

○案沉細數恐非應下之數

診後脈雖遲按之有力活人又云脈浮滑而數蓋總病最為禱切

始惺靜今狂語此為胃實陽盛再汗即死須下之即愈 亦有

始得病便變陽盛之證須便下之不可拘以日數 更有心胸

連臍腹大段痞悶腹中疼坐臥不安胃悶喘急極者亦不候他

證便下之

活人○案此本于總病殊為明約

大抵下藥必切脈沉實或沉滑沉疾有力者可下之也再以手按臍腹鞭者或叫痛不可按者則下之無疑也凡下後不解者

要蘊

再按臍腹有無鞭處若有鞭處手不可按下不盡也須再下之

凡瘟疫宜下者必陽明邪實於腑而秘結腹滿或元氣素強胃氣素實者方可下若大便雖數日不行而腹無脹滿及大便無壅滯不通之狀或連日不食而臍腹坦然軟而無碍此陽明胃腑本無實邪切不可妄下以泄中氣

疫說

溫疫伏邪傳入胃中水穀得疫邪而蒸熱疫邪附水穀而熾盛上薰三陽而陽經之證漸生下陷三陰而攻下之證又現熱傷血分或畜血或斑疹熱瘀水道或溺閉或發黃熱傷神氣則譫語狂亂熱傷津液則燥渴便硬蜂起變症皆因胃中疫熱而然

故善治者宜急清其胃中之熱胃熱一清諸症悉愈如釜底無

薪沸自不作不煩揚湯之謂也

謂傷寒翼○案此云上焦三陰即

于是邪實于裏者

舌白胎漸變黃胎

邪在膜原舌上白胎邪在胃家舌上黃胎胎

舌黑胎

邪毒在胃薰騰於上而生舌黑胎有黃胎老而變焦色者

二三日見此陰證亦有此並非舌下俱黑而後裏胎此經氣非黑下證也

皮未脫也不可再下見離有黑下色證方危可急下宜補上之無胎

舌芒刺

熱傷津液此疫毒之最重者急當下老人口微痠自去證

舌裂

下日則久津液下消亡在極多邪火毒熾又熱結此證急下不治自

滿

舌短 舌硬 舌卷 皆邪毒去真勝真氣回舌自舒下之

白砂胎 舌上白胎乾硬如砂入胃一名水晶胎乃自白之

唇燥裂 唇焦色 唇口皮起 口臭 鼻孔如煙煤 胃家此熱

證固當下唇口皮起仍用別證互較鼻孔煤黑疫毒在胃下之無辭

口燥渴 更有下去證者宜下之下

目赤 咽乾 氣噴如火 小便赤黑涓滴作痛 小便極臭

揚手擲足 脈沉而數 皆為內熱之極下之無辭

潮熱 邪在胃有此證宜下然又有不可下者詳載

善太息 胃家實欲引氣吸下不利胸膈痞

心下滿 心下高起如塊 心下痛 腹脹滿 腹痛按之愈

痛 心下脹痛

氣以上皆胃家邪實則已結

頭脹痛

若初起實氣不別下無降下之證未頭痛立止

小便閉

大便不解不通氣行結氣不利舒水藥無行益小

大便閉

轉屎氣極臭

無表裏下證爲虛之無燥宜密煎導及膽導者

大腸膠閉

協熱下利

熱結傍流

下並宜

四逆 脈厥

體厥

實也屬氣閉之陽氣鬱反見不能四布於外胃家

補

發狂

有胃家實陽氣盛也宜下之有虛煩似狂

大便閉結者疫邪傳裏內熱壅鬱宿糞不行蒸而爲結漸至梗

硬下之結糞一行瘀熱自除諸證悉去

熱結傍流者

曰類編